



Senin, 01 April 2024

Ogen: Kuan-kuanen 30:24-28



Nikopken Keperluan Pakja Si Rali



Adi si idah rubia-rubia si kitik i sekelewetta, lit nge akapndu pelajaran si idat kita i bas ia nari? Si nuliskan kitab kuan-kuanen e mabai kita erlajar arah kerina si lit i sekelewttta, termasuk arah rubia-rubia. Lit empat rubia-rubia si cerdas inganta erlajar, eme: perkis, sikapkenna nakanna tupung perlego, Menci, ibahanna lubangna i bas batu lingling, Labang, ratur amin pe la lit rajana, cikcak, banci ijumpai i istana raja. Rubia-rubia enda labo megegeh tapi cerdas. Arah empatna rubia-rubia e kita erlajar maka labo ban gegehna tapi ipakekenna potensi si lit i bas ia guna kiniulin masa depanna. La ia kelehen di kune musim udan, la ia litapen entah bergehenn di kune udan ras gelap wari. Em pelajaran si jadi usihen banta. Arah potensi si lit banci si kelola guna kegeluhenta paksa si reh.

Wari enda iperingeti wari bank dunia, si enggo ibentuk i bas tanggal 1 April 1944. Bank enda benana guna mbangun sistem ekonomi paska perang dunia ke dua.+ Gelah negara-negara si jadi anggotana tercukupken kebutuhenna. Reh belinna bank dunia enda, pelayanenna reh ulina e me nampati negara-negara miskin bas doni enda, janah nampati kuta-kuta si terpencil, e me pembangunan sanitasi, air bersih ras dana pendidikan. Tersampat kal negara-negara miskin arah program pelayanen bank dunia enda. Genduari programna reh belangna e me ngukuri pembangunen manusia, nampati kelompok rentan erkiteken pengungsi korban bencana alam entah perang. Misi bank dunia, nampati ekonomi negara anggotana i doni enda.

Bank dunia ngukuri sejahtera anggota-anggotana ku masa si reh, rubia-rubia pe ukurkenna keperluan geluhna ku wari-wari si reh, me bujur kal nge si kelola kai si lit guna nikapken keperluan masa si reh?